

四庫全書

集部

欽定四庫全書

集部

御選歷代詩餘卷十一

詳校官中書臣潘有為

侍讀臣孫球覆勘

總校官進士<sub>臣</sub>朱鈴

校對官編修<sub>臣</sub>盧遂

謄錄監生<sub>臣</sub>戴朝琛

欽定四庫全書

御選歷代詩餘卷十一目錄

四十  
五字

謁金門

韋莊  
三首

薛昭蘊

牛希濟

閻選

魏承班  
二首

馮延巳

蘇軾

二首

蘇庠

二首

秦湛

周紫芝

陳克

四首

趙師俠

張元幹

康與之

朱雍

范成大

程垓

三首

韓元吉

呂勝已

三首

袁去華

四首

趙彥端

二首

衛元卿

程秘

張輯  
二首

黃機

吳禮之

趙善扛

毛玠

盧祖皋

四首

張履信

高觀國

韓澆

六首

汪莘

姚鏞

洪璚

趙與鉞

盧炳

沈端節

黃昇

吳文英

張樞

周密

三首

石孝友

三首

翁元龍

何光大



趙淇

劉辰翁

李萊老

胡仲弓

譚宣子

無名氏

劉仲尹

王庭筠

二首

欽定四庫全書

御選歷代詩餘

卷十一目錄

四

李俊民

四首

劉詵

張翥

劉基

楊慎

陳子龍

無名氏

葉小鸞

前調

又一體

孫光憲

杏園芳

尹鶚

柳含煙

毛文錫

三首

醉太平

又一體

辛棄疾

訴衷情

又一體

歐陽修

黃庭堅

思越人

馮延巳

更漏子

溫庭筠

前調

又一體

晏殊  
二首

天門謠

李之儀

賀鑄

漁父家風

張元幹

嚴仁

酒泉子  
又一體

司空圖

毛文錫

散餘霞

毛滂

好女兒

黃庭堅

曾覲

前調 又一體

黃庭堅

憶悶令

晏幾道

一落索

呂渭老

綵鸞歸令

張元幹

卜算子 又一體

徐俯

御選歷代詩餘卷十一目錄



欽定四庫全書

御選歷代詩餘卷十一

四十  
五字

司經局洗馬掌院事兼翰林院修撰加二級臣王奕清奉

旨校刊

謁金門

唐藥名有儒士謁金門詞沿其名一名垂楊碧一名花自落一名出塞一名春早湖山一名空相憶

雙調四

十五字

謁金門

韋莊

春雨足染就一溪新綠柳外飛來雙羽玉弄晴相對浴  
樓外翠簾高軸倚徧闌干幾曲雲淡水平煙樹簇寸  
心千里目

前調

韋莊

春漏促金燼暗挑殘燭一夜簾前風撼竹夢魂相斷續  
有箇嬌嬌如玉夜夜繡幃孤宿閒抱琵琶尋舊曲遠  
山眉黛綠

前調

韋莊

空相憶無計得傳消息天上嫦娥人不識寄書何處覓  
新睡覺來無力不忍把伊書迹滿院落花春寂寂斷  
腸芳草碧

前調

薛昭蘊

春滿院疊損羅衣金線睡覺水精簾未卷簾前雙語燕  
斜倚金鋪一扇滿地落花千片早是相思腸欲斷那  
教頻夢見

前調

牛希濟

秋已暮重疊關山岐路嘶馬搖鞭何處去曉禽霜滿樹  
夢斷禁城鐘鼓淚滴枕檀無數一點凝紅和薄霧翠  
蛾愁不語

前調

閻選

美人浴碧沼蓮開芬馥雙髻挽雲顏似玉素蛾輝淡綠  
雅澹芳姿閒淑雪映鈿裝金斛水濺青絲珠斷續酥  
融香透肉

前調

魏承班

煙水闊又值清明時節雨細花零鶯語切愁腸千萬結  
鴈去音徽斷絕有恨欲憑誰說無事傷心猶不徹春  
時容易別

前調

魏承班

春欲半堆砌落花千片早是潘郎長不見忍聽雙語燕  
飛絮晴空颺遠風送誰家絃管愁倚畫屏凡事嬾淚  
沾金縷線

前調

馮延巳

風乍起吹皺一池春水閒引鴛鴦芳徑裏手按紅杏蕊  
鬪鴨闌干獨倚碧玉搔頭斜墜終日望君君不至舉  
頭聞鵲喜

前調

蘇軾

秋帷裏長漏伴人無寐低玉枕涼輕繡被一番秋氣味  
曉色又侵牕紙牕外雞聲初起聲斷幾聲還到耳已  
明聲未已

前調

蘇軾

秋池閣風傍小庭簾幙霜葉未衰吹未落半驚鷓鴣喜鵲  
自笑浮名情薄似與世人疎畧一片嬾心雙嬾脚好  
教閒處著

前調

懷故居

蘇庠

何處所門外冷雲堆浦竹裏江梅寒未吐茅屋疎疎雨  
誰遣愁來如許小立野塘官渡手種凌霄今在否柳  
浪迷煙渚

前調

懷張元度

蘇庠

楊柳渡醉著青鞵歸去點點沙鷗何處所十里菰蒲雨  
抖擻向來塵土卧看碧山雲度寄語故時猿鶴侶未  
見心先許

前調

秦湛

鴛鴦浦春漲一江花雨隔岸數聲初過櫓晚風生碧樹  
舟子相呼相語載取暮愁歸去寒食江村芳草路愁  
來無著處

前調

周紫芝



春雨細開盡一番桃李柳暗曲闌花滿地日高人睡起  
綠浸小池春水沙暖鴛鴦雙戲薄倖更無書一紙畫  
樓愁獨倚

前調

陳克

愁脈脈目斷江南江北煙樹重重芳信隔小樓山幾尺  
細草孤雲斜日一晌弄晴天色簾外落花飛不得東  
風無氣力

前調

陳克

花滿院飛去飛來雙燕紅雨入簾寒不卷曉屏山六扇  
翠袖玉笙悽斷脈脈兩蛾愁淺消息不知郎近遠一  
春長夢見

前調

陳克

柳絲碧柳下人家寒食鶯語匆匆花寂寂玉堦春蘚濕  
閒凭熏籠無力心事有誰知得檀炷繞牕燈背壁畫  
簷殘雨滴

前調

陳克

深院靜塵暗曲房淒冷黃葉滿階風不定無端吹酒醒  
露濕小園幽徑悄悄啼蛄相應半被餘熏殘燭影夜  
長人獨冷

前調

趙師俠

沙畔路記得舊時行處藹藹疎煙迷遠樹野航橫不渡  
竹裏疎花梅吐照眼一川鷗鷺家在清江江上住水  
流愁不去

前調

道山亭  
錢別

張元幹

風露底石上岸巾愁起月到房心天似水亂峰清影裏  
此去登瀛須記今夕道山同醉春殿明年人共指玉  
皇香案吏

前調

暮春

康與之

春又晚風勁落紅如翦睡起繡牀飛絮滿日長門半掩  
不管離腸欲斷聽盡梁間雙燕試上小樓還不見樓  
前芳草遠

前調

梅

朱雍

春太早十二玉樓初曉半額試妝深院悄相逢何草草  
臨水幽香縹緲髮淡妝窺照恰值日邊人未到紛  
紛紫古道

前調

宜春道中  
有懷舊隱

范成大

塘水碧仍帶麴塵顏色泥泥穀紋無氣力東風如愛惜  
恰似越來溪側也有一雙鷗鷺只欠柳絲千百尺繫  
船春弄笛

前調

茶蘼

程垓

花簇簇觸眼萬條垂玉小院春深牕鎖綠水沉風斷續  
明月又侵樓曲羞向枕囊拘束只待夜深清影足醉  
來花底宿

前調

陪諸友  
飲東山

程垓

烏帽側行徧杏花春色野意青青分隴麥人家煙水隔  
春事莫催行客彈指青梅堪摘醉倚暮天江拍拍雨  
晴沙路白

前調

程垓

春夜雨催潤柳塘花塢小院深深門幾許畫簾香一縷  
獨立晚庭凝竚細把花枝聞數燕子不來天欲暮說  
愁無處所

前調

春雪

韓元吉

春尚淺誰把玉英裁翦盡道梅梢開未徧捲簾花滿院  
樓上酒融歌暖樓下水平煙遠却似湧金門外見絮  
飛波影亂

前調

呂勝已

花滿樹兩箇黃鸝相語恰似碧城雙玉女對歌還對舞  
可惜娟娟楚楚同伴綵雲歸去居士心如泥上絮那  
能無恨處

前調

呂勝已

嗟久客又見他鄉寒食流水斷橋春寂寂孤邨煙火息  
白去紅飛無迹千樹總成新碧醉裏傷春愁似織東  
風欺酒力

前調

呂勝已



天氣暖開了荼蘼一半紅  
日遲遲風拂面堦前花影亂  
俊逸風神不見定被鶯花留戀  
千尺遊絲舒又罨繫人心上綫

前調

袁去華

春索莫樓上晚來風惡午醉初醒  
羅袖薄護寒添翠幙  
愁裏花時過却閒處淚珠偷落  
憔悴只羞人問著鏡中還自覺

前調

袁去華

深院閉漫漫東風桃李芳草淒迷煙雨細秦樓何處是  
還是傷春意味閒却蹋青天氣折得海棠雙蒂子無  
言還自喜

前調

袁去華

歸鳥急照水斜陽紅濕篷底夜涼風露入藕花香習習  
點滴城頭漏澀淒斷草間蟲泣新恨舊愁眉上集月  
斜還竚立

前調

袁去華

煙水闊夜久風生蘋末東舫西船人語絕四更山吐月  
客裏光陰電抹不記離家時節樓上笛聲聽未徹又  
催征櫂發

前調

趙彥端

休相憶明夜遠如今日樓外綠煙邨暮暮花飛如許急  
柳岸晚來船集波底斜陽紅濕送盡去雲成獨立酒  
醒愁又入

前調

趙彥端

春已半繡綠新紅如換燕子還來簾幙畔閒愁天不管  
翠被曲屏香滿花葉彩箋人遠鵲喜蛛絲都未判連  
環空約腕

前調

衛元卿

花過雨又是一番紅素燕子歸來愁不語故巢無覓處  
誰在玉樓歌舞誰在玉關辛苦若使邊塵吹得去東  
風侯萬戶

前調

程秘

煙漠漠醉裏看春都錯過了清明遲一著牡丹重約摸  
曉日漸明簷角天與芳辰難却駐得韶華元有藥桃  
源誰共約

前調

張輯

花半濕睡起一簾晴色千里江南真咫尺醉中歸夢直  
前度蘭舟送客雙鯉沉沉消息樓外垂楊如此碧問  
春來幾日

前調

張輯

春寂寞簾底蕙爐煙薄聽盡歸鴻書怎託相思天一角  
象筆鸞牋閒却秀句與誰商略睡起愁懷何處著無  
風花自落

前調

黃機

秋向晚秋晚蕙根猶暎碧染羅裙湘水淺羞紅微到臉  
窈窕繡簾圍徧月薄霜明亭院妝罷寶奩慵不掩無  
風香自滿

前調

吳禮之

風乍扇簾外落紅千片飛盡落花春不管鬪忙鶯與燕  
往事上心撩亂睡起日高猶倦料得伊家情眷眷近  
來長夢見

前調

趙善扛

新雨霽開徧滿園桃李波暖池塘風細細一雙花鴨戲  
喚起春融睡美扶醉宿妝慵理移步避人花影裏繡  
裯低窄地

前調

毛 玕

春已半芳草池塘綠遍山北山南花爛漫日長蜂蝶亂  
閒掩屏山六扇好夢強教驚斷愁對畫梁雙語燕故  
人心不見

前調

盧祖皋

閒院宇獨自行來行去花片無聲簾外雨淺寒生碧樹  
做弄清明時序料理春醒情緒憶得歸時停櫂處畫  
橋空落絮

前調

盧祖皋



香漠漠低捲水風池閣玉腕籠紗金半約睡濃團扇落  
雨過涼生雲薄女伴擢歌聲樂采得雙蓮迎笑剝柳  
陰多處泊

前調

盧祖皋

風不定移去移來簾影一雨林塘新綠淨杏梁歸燕并  
翠袖玉屏金鏡日薄綺疏人靜心事一春疑酒病鳥  
啼花滿徑

前調

惜別

盧祖皋

蘭櫂舉相逐落紅飛去一隙輕簾凝睇處柳絲牽不住  
昨日翠蛾金縷今夜碧波煙渚好夢無憑窓又雨天  
涯知幾許

前調

張履信

春睡起小閣明牕兒底簾外雨聲花積水薄寒猶在裏  
欲起還慵未起好是孤眠滋味一曲廣陵應忘記起  
來調綠綺

前調

高觀國

煙墅暝隔斷仙源芳徑雨歇花梢魂未醒濕紅如有恨  
別後香車誰整怪得畫橋春靜碧漲平湖三十頃歸  
雲何處問

前調

韓 澆

花影半晴色乍開雲捲擇勝尋春愁日短雨餘山路晚  
澗底桃深紅滿人意不禁閒遠蝴蝶繞枝啼鳥怨東  
風吹酒面

前調

韓 澆

花肅肅楊柳三眠未足一擢溪山新漲綠舊歡無夢續  
莫問杜鵑啼蜀只有江南水竹北客淒涼無伴獨春  
山生草木

前調

韓 澆

幽意熟吟嘯春風自足麥氣初生晴未燠相逢休問卜  
畫出高山盤谷巖上飛雲相逐他日江東思渭北斷  
絃誰為續

前調

韓 澆

春尚早春入湖山漸好人去人來雖未老酒徒猶恨少  
梅落桃開煙島日日更吹香草一片芳心揅醉倒冷  
雲藏落照

前調

韓 澮

行又住水遠山遙邨路把酒問春春幾許老年花似霧  
坐上風流張緒留我我還難去却憶章臺飛柳絮只  
愁紫暮雨

前調

韓 澮

雲外月畫出一痕清絕梅已飄香桃未發帶湖煙水闊  
汀渚尚留微雪不恨酒融歌歇老我多情膠漫結半  
醒空自說

前調

汪莘

檐漏滴都是春歸消息帶雨牡丹無氣力黃鸝愁雨濕  
爭看洛陽春色忘却連天草碧南浦綠波雙槳急沙  
頭人佇立

前調

姚鑄

吟院靜遲日自行花影熏透水沉雲滿鼎晚妝窺露井  
飛絮遊絲無定誤了鶯鶯相等欲喚海棠教睡醒奈  
何春不肯

前調

洪璚

風共雨催盡亂紅飛絮百計留春春不住杜鵑聲更苦  
細柳官河狹路幾被嬋娟相誤空憶墜鞭遺扇處碧  
牕眉語度

前調

趙與鉞

歸去去風急蘭舟不住夢裏海棠花下語醒來無覓處  
薄倖心腸似絮長是輕分輕聚待得來時春幾許綠  
陰三月暮

前調

盧炳

春寂寂節物又催寒食樓上捲簾雙燕入斷魂愁似織  
門外雨餘風急滿地落英紅濕好夢驚回無處覓天  
涯芳草碧

前調

沈端節



尋勝去湖色淨涵疎樹欵乃一聲何處所風鈴相應語  
目送遙林修渚畫出江南煙雨山水照人人楚楚錦  
腸生秀句

前調

黃昇

花事淺方費化工勻染牆角紅梅開未徧小桃纔數點  
人在暮寒庭院閒續茶經香傳酒思如冰詩思嬾雨  
聲簾不捲

前調

吳文英

雞唱晚斜照西牕向暝一枕午醒幽夢遠素衾春絮軟  
紫燕紅樓歌斷錦瑟華年一箭偷果風流輸曼倩畫  
陰爭繡線

前調

張樞

春夢怯人靜玉閨平帖睡起眉心端正貼綽枝雙杏葉  
重整金泥蹀躞紅皺石榴裙褶款步花陰尋蛺蝶玉  
纖和粉捻

前調

吳山  
觀濤

周密

天水碧染就一江秋色  
黿戴雪山龍起蟄快風吹海立  
數點煙鬟青滴一杼霞綃紅濕  
白鳥明邊帆影直隔江聞夜笛

前調

周密

花不定燕尾翦開紅影  
幾點落英蜂翅趁日遲簾幙靜  
試把翠蛾輕暈愁薄寶臺鸞鏡  
屈指一春將次盡歸期猶未穩

前調

周密

芳事晚數點杏鈿香淺側側輕寒風翦翦錦屏春夢遠  
穉柳拖煙嬌軟花影暗藏深院初試輕羅并畫扇牡  
丹紅未展

前調

石孝友

雲樹直雨歇半空猶濕山影插尖高幾尺依依銜落日  
遠岸雙飛鷗鷺一水無情自碧颯颯白蘋風正急斷  
腸人獨立

前調

石孝友

山雨絕山重冷如冰雪  
牕外芭蕉三兩葉影排牕上月  
醉枕驚回蝴蝶好夢無人共說  
心事悠悠芳草歇不  
眠聽鼠齧

前調

石孝友

歸不去歸去又還春暮  
洞裏小桃音信阻幾番風更雨  
相伴竹筇芒屨穿盡松溪花塢  
早是行人貪道路聲  
聲聞杜宇

前調

翁元龍

鶯樹暖弱絮欲成芳繭流水惜花流不遠小橋紅欲滿  
原上草迷離苑金勒晚風嘶斷等得日長春又短愁  
深山翠淺

前調

何光大

天似水池上藕花風起隔岸垂楊青到地亂螢飛又止  
露濕玉闌閒倚人靜自生涼意泛碧沉朱共晚醉月  
斜纔去睡

前調

趙淇

吟望直春在闌干咫尺山插玉壺花倒立雪明天混碧  
曉露絲絲瓊滴虛揭一簾雲濕猶有殘梅黃半壁香  
隨流水急

前調

劉辰翁

風又雨花事自無多許欲待柳花團作絮梅花冰未吐  
翠鈿不禁春誤深却綠煙紅霧將謂花寒留得住一  
時春欲暮

前調

李萊老

春意態閒却遠山橫黛香徑莓苔嗟粉壞鳳韉雙鬪綵  
折得花枝嬾戴猶戀鴛鴦飛蓋舊恨新愁都只在東  
風吹柳帶

前調

胡仲弓

蛾黛淺只為晚寒妝嬾潤逼鏡鸞紅霧滿額花留半面  
漸次梅花開徧花外行人已遠欲寄一枝嫌夢短濕  
雲和恨翦

前調

譚宣子



人病酒生怕日高催繡昨夜新翻花樣瘦旋描雙蝶湊  
閒凭繡牀呵手却說春愁還又門外東風吹綻柳海  
棠花廝勾

前調

無名氏

山無數遮斷故人何處見說蘭舟獨繫住溪邊紅葉樹  
憶著前時歡遇惹起今翻愁緒怎得西風吹淚去陽  
臺為暮雨

前調

劉仲尹

簾半窄四座綠圍紅簇歌盡玉臺連夜燭歡緣仍恨促  
休唱蓮舟新曲煙水畫船搖綠腸斷鴛鴦三十六紫  
蒲相對浴

前調

王庭筠

雙喜鵲幾報歸期渾錯儘做舊愁都忘却新愁何處著  
瘦雪一痕牆角青子已妝殘萼不道枝頭無可落東  
風猶作惡

前調

王庭筠

秋蕭索燈火新涼簾幙翠被不禁臨曉薄南樓聞畫角  
想見玉壺冰萼一夜西風開却夢覺啼鳥殘月落幽  
香無處著

前調

探梅

李俊民

誰便道昨夜雪中開了次第不將消息報探芳人草草  
宜在嫩寒清曉興比孤山更好籬落逢花須醉倒惜  
花人易老

前調

數梅

李俊民

頻點檢依舊雪肌清減似恨海東花使濫不教么鳳探  
休笑詩人冷淡道盡疎影香暗桃杏雖然無藻鑑承  
當應不敢

前調

別梅

李俊民

懷抱惡猶被暗香著莫想在隴頭誰領略一枝分付錯  
今夜雲牕霧閣明夜煙邨水郭紙帳天寒人寂寞夢  
回聞雪落

前調

夢梅

李俊民

隨健步已過市橋江路費盡西湖多少句暗香留不住  
銷得黃昏幾度又是天寒日暮枕上吟魂無著處化  
為蝴蝶去

前調

劉詵

春睡倦自揀花枝行徧昨日新紅今日變細按將袖染  
翠扇迎風撲面飛去晴絲還轉簾外楊花簾裏燕相  
逢如未見

前調

張翥

溪水漫岸口小橋衝斷沽酒人家門巷短柳陰旗一片  
細雨鳴鳩相喚曲港落花流亂兩兩睡紅鷗鷺暖惱  
人春不管

前調

劉基

風嫋嫋吹綠一庭秋草天際斜陽無限好斷腸芳樹老  
塵世茫茫難料有酒便須傾倒落葉滿階從不掃醒  
來新月皎

前調

楊慎

風漸陡排比殘花春酒憔悴一枝紅欲皺問花花戀否  
寂寞漸長清晝無計與他拖逗猶勝銷魂人去後折  
來還在手

前調

陳子龍

鶯啼處搖蕩一天涼雨極目平蕪人盡處斷虹明碧縷  
費得爐煙無數只有輕寒難度忽見樓西花影露弄  
晴催薄暮

前調

無名氏

真堪惜錦帳夜長虛擲挑盡銀燈情脈脈繡花無氣力  
女伴聲停刀尺蟋蟀爭啼四壁自起捲簾窺夜色天  
青星欲滴

前調

秋晚憶  
兩姊

明媛

葉小鸞

情脈脈簾捲西風爭入漫倚危樓窺遠色晚山留落日  
芳樹重重凝碧影浸清波欲濕人向暮煙深處憶繡  
裙愁獨立

前調

又一  
體

孫光憲



留不得留得也應無益白苧春衫如雪色揚州初去日  
輕別離甘拋擲江上滿帆風疾却羨綵鴛三十六孤  
鸞還一隻

杏園芳

雙調四

十五字

杏園芳

尹鶚

嚴妝嫩臉花明教人見了關情含羞舉步越羅輕稱娉  
婷終朝咫尺窺香閣迢迢似隔層城何時休遣夢相

縈入雲屏

柳含煙

一名柳含金雙  
調四十五字

柳含煙

毛文錫

河橋柳占芳春映水含煙拂路幾回攀折贈行人暗傷  
神樂府吹為橫笛曲能使離腸斷續不如移植在金  
門近天恩

前調

毛文錫

章臺柳近垂旒低拂往來冠蓋朦朧春色滿皇州瑞煙  
浮直與路邊江畔別免被離人攀折最憐京兆畫蛾  
眉葉纖時

前調

毛文錫

御溝柳占春多半出宮牆婀娜有時倒影蘸輕羅麴塵  
波昨日金鑾巡上苑風亞舞腰纖軟栽培得地近皇  
宮瑞煙濃

醉太平

欽定四庫全書

又一體雙調  
四十五字

醉太平

辛棄疾

態濃意遠顰輕笑淺薄羅衣窄絮風軟鬢雲敲翠捲  
南園花樹春暖香徑裏榆錢正滿欲上秋千又驚嬾且  
歸休怕晚

訴衷情

又一體雙調  
四十五字

訴衷情

晝局

歐陽修

清晨簾幙卷輕霜呵手試梅妝都緣自有離恨故畫作  
遠山長 思往事惜流光易成傷擬歌先斂欲笑還顰  
最斷人腸

前調

畫眉

黃庭堅

旋揎玉指鬪彎蛾遠峰看有無天然自有殊態供愁黛  
不須多 分遠岫壓橫波妙難過自歌枕處獨倚闌時  
不奈顰何

思越人

雙調四

十五字

思越人

馮延巳

酒醒情懷惡金縷褪玉肌如削寒食過却海棠零落  
乍倚徧闌干煙淡薄翠幙簾櫳籠畫閣春睡著覺來失  
秋千期約

更漏子

唐溫庭筠作秋思詞中詠更  
漏後以名調雙調四十五字

更漏子

溫庭筠

玉闌干金甃井月照碧梧桐影獨自箇立多時露華濃  
濕衣一向凝情望待得不成模樣雖耐又尋思怎  
生嗔得伊

前調

又一體

晏殊

三月暝風開却好花無限了當年叢下落紛紛最愁人  
長安多少利名身若有一杯香桂酒莫辭花下醉芳  
茵且留春

前調

晏殊

春色初來徧被紅芳千萬樹流鶯粉蝶鬪翻飛戀香枝  
勸君莫惜縷金衣把酒看花須強飲明朝後日漸離  
披惜芳時

天門謠

雙調四  
十五字

天門謠

登采石  
峨嵋亭

李之儀

天塹休論險盡遠目與天俱占山水斂稱霜晴披覽  
正風靜雲閒平澱瀟想見高吟名不濫頻扣檻杳杳落



沙鷗數點

前調

登米石  
峨眉亭

賀鑄

牛渚天門險限南北七雄豪占清霧斂與閒人登覽  
待月上潮平波濫濫塞管輕吹新阿濫風滿檻歷歷數  
西州更點

漁父家風

雙調四十五字第三句去一  
字即訴衷情之又一體也

漁父家風

張元幹

八年不見荔枝紅腸斷故園東風枝露葉誰新採悵望  
冷香濃冰透骨玉為容想筠籠今宵歸夢滿頰天漿  
更御冷風

前調

嚴仁

一聲水調解蘭舟人間無此愁無情江水東流去與我  
淚爭流人已遠更回頭苦凝眸斷魂何處梅花岸曲  
有小紅樓

酒泉子

又一體雙調

四十五字

酒泉子

司空圖

買得杏花十載歸來方始拆  
假山西畔藥闌東滿枝紅  
旋開旋落旋成空白髮多情人更惜  
黃昏把酒祝東風且從容

前調

毛文錫

綠樹春深燕語鶯啼聲斷續  
惠風飄蕩入芳叢惹殘紅  
柳絲無力裊煙空金盞不辭須滿酌  
海棠花下思朦朧

隴醉春風

散餘霞

謝朓詩餘霞散成綺調  
名本此雙調四十五字

散餘霞

毛滂

牆頭花蕊寒猶噤放繡簾晝靜簾外時有蜂兒趁楊花  
不定 闌干又還獨凭念翠低眉暈春夢枉斷人腸更  
恹恹酒病

好女兒

一名繡帶子一名繡帶兒  
雙調四十五字

好女兒

黃庭堅

小院一枝梅衝破曉寒開  
偶到張園遊戲沾袖帶香回  
玉酒覆銀杯盡醉去猶待重來  
東鄰何事驚吹怨曲  
雪片成堆

前調

曾覲

瀟灑龍頭春取次一枝新  
還是東風來也猶作未歸人  
微月淡煙邨漫佇立惆悵  
黃昏暮寒香細疎英幾點

儘耐銷魂

前調

又一體

黃庭堅

春去幾時還桃李無言燕子歸  
栖風動梨花雪亂西園  
惟有月嬋娟似人人難近如天  
願教清影常相見更  
乞取團圓

憶悶令

雙調四

十五字

憶悶令

晏幾道

取次臨鸞勻畫淺酒醒遲來晚多情愛惹閒愁長黛眉  
低斂 月底相逢見有深深良願願期信似月如花須  
更教長遠

一落索

落或作絡一名玉連環一名洛陽  
春一名上林春雙調四十五字

一落索

呂渭老

宮錦裁書寄遠意長詞短香蘭泣露雨催蓮暑氣昏池  
館 向晚小園行徧石榴紅滿花花葉葉盡成雙渾似

我梁間燕

綵鸞歸令

雙調四  
十五字

綵鸞歸令

張元幹

珠履爭圍小立春風趁拍低態閒不管樂催伊整朱衣  
粉融香汗隨人勸玉困花嬌越樣宜鳳城燈夜舊家  
時數他誰

卜算子




又一體雙調  
四十五字

卜算子

徐俯

天生百種愁挂在斜陽樹綠葉陰陰占得春草滿鶯啼  
處不見凌波步空憶如簧語門外重重疊疊山遮不  
斷愁來路



欽定四庫全書

御選歷代詩餘  
卷十一

御選歷代詩餘卷十一

欽定四庫全書

集部

御選歷代詩餘卷十二

詳校官中書臣潘有為

侍讀臣孫球覆勘

總校官進士臣朱鈴

校對官編修臣盧遜

謄錄監生臣戴朝璫

欽定四庫全書

御選歷代詩餘卷十二目錄

起四十五字  
至四十六字

好事近

王益

宋祁

鄭獬

張先

蘇軾

秦觀

李豸

李之儀

趙令時

曾肇

周紫芝

謝逸

曹組

陳克

呂渭老

蔣子雲

趙師俠

張綱

朱敦儒

四首

曾覲

朱雍

范成大

二首

陳三聘

二首

黃公度

程垓

二首

高登

三首

朱熹

洪适

趙彥端

二首

管鑑  
二首

陸游  
五首

張輯

王炎

嚴仁

洪咨夔

韓虎  
四首

汪莘  
九首



劉翰

吳文英 三首

周密 二首

石孝友

汪元量

趙與仁

樓采

葛長庚

魏氏

鄭氏

蔡松年

元德明

高士談

趙可

劉基

吳子孝

二首

湯顯祖

朝天子

楊无咎

謁金門

又一體

李清臣

程過

洛陽春

陳師道

毛滂

陸游

望仙門

晏殊

三首

占春芳

蘇軾

西地錦

蔡伸

前調 又一體

周紫芝

喜遷鶯

張元幹

江亭怨

吳城龍女

金蕉葉

蔣捷

眉峰碧

無名氏

一落索

又一體

舒亶

二首

周邦彥

二首

王安中

三首

朱敦儒

辛棄疾

二首

管鑑

方岳

方千里

楊澤民

二首

陳允平

二首

琴調相思引

周紫芝

趙彥端

二首

許棐

陳允平

汪元量

趙與仁

無名氏

劉仲尹

巫山一段雲

又一體

唐昭宗



欽定四庫全書

御選歷代詩餘  
卷十二目錄

柳永  
二首

御選歷代詩餘卷十二目錄

欽定四庫全書

御選歷代詩餘卷十二

起四十五字  
至四十六字

司經局洗馬掌局事兼翰林院修撰加二級臣王奕清奉

旨校刊

好事近

一名釣船笛換頭二句句法平  
仄稍有不同雙調四十五字

好事近

催妝

王益

喜氣擁朱門光動綺羅香  
陌行到紫薇花下悟身非凡

欽定四庫全書

御選歷代詩餘  
卷十二

客不須脂粉污天真嫌怕太紅白留取黛眉淺處畫  
章臺春色

前調

宋祁

睡起玉屏風吹去亂紅猶落天氣驟生輕暖襯沉香帷  
箔珠簾約住海棠風愁拖兩眉角昨夜一庭明月冷  
秋千紅索

前調

鄭獬

江上探春回正值早梅時節兩行小槽雙鳳按涼州初

徹謝娘扶下繡簾來紅鞦韆殘雪歸去不須銀燭有  
山頭明月

前調

梅花  
和韻

張先

月色透橫枝短葉小葩無力北客一聲長笛怨江南先  
得誰教強半臘前開多情為春憶留取大家須醉幸  
雨休風息

前調

蘇軾

煙外倚危樓初見遠燈明滅却跨玉虹歸去看洞天星

月當時張范風流在況一尊浮雪莫問世間何事與  
劍頭微呖

前調

夢中作

秦觀

春路雨添花花動一山春色行到小溪深處有黃鸝千  
百飛雲當面化龍蛇天矯轉空碧醉卧古藤陰下了  
不知南北

前調

李豸

落日水鎔金天淡暮煙凝碧樓上誰家紅袖靠闌干無

力鴛鴦相對浴紅衣短檣弄長笛驚起一雙飛去聽  
波聲拍拍

前調

李之儀

春到雨初晴正在小樓時節柳眼向人微笑傍闌不堪  
折暮山濃淡鎖煙霏梅杏半明滅玉筍莫辭沈醉判  
歸時斜月

前調

趙令時

急雨漲溪渾小樹帶山秋色輕檣暮天歸路裊芙蓉煙

白 酒醒香冷夢回時  
蟲聲正悽絕只覺小牕風月與  
昨宵都別

前調

歸江南  
別僚舊

曾 肇

歲晚鳳山陰看盡楚天冰雪  
不待牡丹時候又使人輕  
別 如今歸去老江南  
扁舟載風月不似畫梁雙燕有  
重來時節

前調

青陽道中  
見梅花

周紫芝

江路遶青山山翠撲衣輕濕  
誰釀晚來雲意做一天愁

色竹溪斜渡儘籃輿疎影暗香入何處最關心事恨  
落梅風急

前調

謝逸

疎雨洗煙波雨過蒲江秋色風起白鷗零亂破嵐光深  
碧荻花楓葉只供愁清吟寫岑寂吟罷倚闌無語聽  
一聲羌笛

前調

曹組

茆舍竹籬邊雀噪晚枝時節一種暗香飄處已不勝愁



絕 江南得地故先開  
不待有飛雪腸斷幾回山路恨  
無人攀折

前調

陳克

尋徧石亭春黯黯暮山明  
滅竹外小溪深處倚一枝寒  
月 淡雲疎雨苦無晴  
得折便須折醉帽風鬟歸去有  
餘香愁絕

前調

呂渭老

雲影護梅枝短短未禁飛  
雪彩幅自題新句作催妝佳

闌西樓昨夜五更寒恐一枝先發原是素娥無寐駕  
半輪明月

前調

蔣子雲

葉暗乳鴉啼風定老紅猶落蝴蝶不隨春去入薰風池  
閣休歌金縷勸金卮酒病煞如昨簾捲日長人靜任  
楊花飄泊

前調

趙師俠

紅杏已香殘惟有海棠堪惜天氣著花如酒醉嬌紅無

力 娉娉孌孌倚東風柔媚忍輕摘憑仗暮寒要住賽  
錦川春色

前調

張 綱

梅柳約東風迎臘暗傳消息粉面翠眉偷笑似欣逢佳  
客 晚來歌管破餘寒沈煙裊輕碧老去不禁卮酒奈  
尊前春色

前調

朱敦儒

春雨細如塵樓外柳絲黃濕風約繡簾斜去透牕紗寒

碧美人慵翦上元燈彈淚倚瑤瑟却卜紫姑香火問  
遼東消息

前調

漁父

朱敦儒

搔首出紅塵醒醉更無時節生計綠蓑青笠慣披霜衝  
雪晚來風定釣絲閒上下是新月千里水天一色看  
孤鴻明滅

前調

朱敦儒

撥轉釣魚船江海儘為吾宅恰向洞庭沽酒去錢塘橫

笛 醉顏禁冷更添紅潮落下前磧經過子陵灘畔得  
梅花消息

前調

朱敦儒

失却故山雲撒手指空為客蓴菜鱸魚留我住鴛鴦湖  
側 偶然添酒舊葫蘆小醉度朝夕吹笛月波樓下有  
何人相識

前調

仰賡  
聖製

曾 覲

搖颺杏花風遲日淡陰雙闕絲管暗隨檀板看舞腰迴

雪龍舟閒樣畫橋邊須趁好花折頻勸御杯宜滿正  
清歌初闕

前調

梅

朱雍

春色為誰來枝上半留殘雪恰近小園香徑對霜林寒  
月危樓悽斷笛聲長吹到偏嗚咽最好短亭歸路有  
行人先折

前調

范成大

雲幙暗千山腸斷玉樓金闕應是高唐小婦姮娥清

絕 夜涼不放酒杯寒  
醉眼漸生纈何待桂華相照有  
人人如月

前調

范成大

昨夜報春來的  
顰嶺梅開雪攜手玉人同賞  
比看誰奇  
絕 闌干倚徧憶多情  
怕角聲嗚咽與折一枝斜戴  
襯鬢邊梳月

前調

陳三聘

我欲御天風飛上廣寒宮  
闕撼動一輪秋桂照人間  
愁

絕 歸來須著酒消磨玉面點紅纈起舞為君狂醉更  
何須邀月

前調

陳三聘

枝上幾多春數點不融香雪縱有筆頭千字也難誇清  
絕 豔桃濃李敢爭妍清怨笛中咽試策短筇溪上看  
影浮波月

前調

黃公度

湖上送殘春已負別時歸約好在故園桃李為誰開誰



落還家應是荔枝天浮蟻要人酌莫把舞裙歌扇便等閒拋却

前調

程垓

煙盡戍樓空又是一簾佳月何事山城留滯負好花時節燒燈翦綵沒心情應有翠娥說欲借好風吹恨奈亂雲稠疊

前調

程垓

急雨開冰荷銷盡一襟煩暑趁取晚涼幽會近翠陰濃

處風梢危滴亂珠璣洒面得新句莫惜玉壺傾盡待  
月明歸去

前調

黃義卿畫  
帶霜竹

高登

瀟灑帶霜枝獨向歲寒時節觸目千林憔悴更幽姿清  
絕多才應賦得天真落筆驚風葉從此綠牕深處有  
一梢涼月

前調

再和  
錢別

高登

送客過江邨况值重陽佳節向晚西風蕭瑟正離人愁

絕 尊前相顧惜參商引十分蕉葉回首高陽人散負

西樓風月

前調

又和  
紀別

高 登

飲興正闌珊正是揮毫時節霜幹銀鈎錦句有壁間三  
絕 西風特地颯秋聲樓外觸殘葉匹馬翩然歸去向  
征鞍敲月

前調

朱 熹

春色欲來時先散滿天風雪坐使七閩松竹變珠幢玉

節 中原佳氣鬱蔥蔥  
河山壯宮闕丞相功  
成千載映黃流清澈

前調

別傳文

洪适

柳岸碧漪深底事  
催人行色無計相留情  
話只別愁如織  
小蠻樊素兩傾城  
幾度醉狂客  
明月扁舟西去聽  
歌聲不得

前調

送林主簿

趙彥端

君到共黃花  
君去早梅將發  
君不待梅歸去  
問與誰同

折白頭潘令一年秋有酒恨無客莫忘道山堂上話  
清音風月

前調

白雲亭

趙彥端

風露入新亭看盡楚天秋色行到暮霞明處有金華仙  
客孤城喬木墮荒涼白雲帶溪碧喚取小舟同醉話  
江湖歸日

前調

張子儀席上

管鑑

風埽暮雲空依舊四山環碧珍重主人情意放梅梢春

色靚妝清唱兩無塵蓮步繡鞵窄莫怪十分沉醉為  
教人消得

前調

管鑑

列炬照梅花仰看滿空春雪翠幙沉沉天淨挂一鉤新  
月微風不動暖光融金杯墮瓊眉鬢暗香吹夢醉  
廣寒宮闕

前調

陸游

風露九霄寒侍宴玉華宮闕親向紫皇香案見金芝千

葉碧壺仙露醞初成香味兩奇絕醉後却騎丹鳳看  
蓬萊春色

前調

陸游

歲晚喜東歸埽盡市朝陳迹揀得亂山環處釣一潭澄  
碧賣魚沽酒醉還醒心事付橫笛家在萬重雲外有  
沙鷗相識

前調

陸游

湓口放船歸薄暮散花洲宿兩岸白蘋紅蓼映一蓑新

綠有沽酒處便為家  
菱芡四時足明日又乘風去住  
江南江北

前調

登梅仙山  
絕頂望海

陸游

揮袖上西峰孤絕去天無尺拄杖下臨鯨海數煙帆歷  
歷貪看雲氣舞青鸞歸路已將夕多謝半山松吹解  
殷勤留客

前調

陸游

秋曉上蓮峰高躡倚天青壁誰與放翁為伴有天壇輕



策鏗然忽變赤龍飛雷雨四山黑談笑做成豐歲笑  
禪龕柳栗

前調

張輯

載酒岳陽樓秋入洞庭深碧極目水天無際正白蘋風  
急月明不見宿鷗驚醉把玉闌拍誰解百年心事恰  
釣船橫笛

前調

早梅

王炎

玉頰映紅綃纔報東風消息雖則清臞如許有生香真

色相看動是隔年期忍不飲涓滴莫待輕飛一片却  
說花堪惜

前調

舟行

嚴仁

曉色未分明敲動月邊鼉鼓卯酒一杯徑醉又別君南  
浦春江如席照晴空大舶夾雙櫓腸斷斜陽渡口正  
落紅如雨

前調

春行  
次韻

洪咨夔

二十四番風纔見一番花鳥已自有人春瘦正遠山橫

峭 蹋青底用十分晴半陰晴方好深院日長睡起又  
海棠開了

前調

韓 澮

春色入芳梢點綴萬枝紅玉莫道怕愁貪睡倚新妝如  
東 紛紛桃李太妖嬈相對夜闌燭記取疎花橫處有  
暗香飄馥

前調

韓 澮

一澗水南山臘盡春生梅雪行過小橋深處帶疎鐘橫

月征衫閒指著東吳休怕與人別吟到翠圓枝上是  
歸來時節

前調

探梅

韓 澮

湖上有孤山合把探梅詞刻清淺黃昏時候冷疎枝寒  
月 牕前忽到又如何一夜是相憶信道收香藏白報  
春風消息

前調

韓 澮

梅雨快晴風苔竹定翻新籜相望得尋幽調把陳言都

略 大江東去更飛雲心事共回薄髣髴散菴佳處一  
聲聲猿鶴

前調 孟春

汪莘

風日未全春又是春來風日不出方壺門戶見東皇消  
息 此時春事苦無多春意最端的却被草芽引去向  
柳梢收得

前調 仲春

汪莘

春早不知春春晚又還無味一點日中星鳥想堯民如

醉不寒不暖杏花天  
花到半開處正是太平風景為  
人間留住

前調

季春

汪莘

風雨打黃昏啼煞滿山杜宇  
到得人間春去問春歸何處  
桃紅李白競春光誰共殘妝語  
最是梨花一樹照誰家庭戶

前調

春晚

汪莘

閨苑夢回時  
窗外數聲啼鳥覺我牀前  
天氣便清明多

少詩人門戶約花開宿蝶悞飛了一段山青水綠作  
洞庭春曉

前調

春夕

汪莘

夾岸隱桃花花下蒼苔如積薦地輕寒一陣上桃花顏  
色東鄰西舍絕經過新月是相識白玉闌干斜倚作  
蓬山春夕

前調

春晝

汪莘

天宇綠無雲遲日江山如繡是處輕衫團扇笑折花相

授 南山之北北山南  
星鳥尚依舊誰在松風高卧作  
嵩陽春晝

前調

春夜

汪莘

月落畫橋西花影柳陰相亞  
把住嫦娥問道是誰家  
亭榭 天邊處士少微星  
正在杏花下斜卓參旗一片作  
草堂春夜

前調

汪莘

堂上挂黃山輝映庭前春雪  
記得山中雪境恰一般清



絕 須知天錫與方壺  
比似鏡湖別好得鏡湖  
狂客伴  
方壺歡伯

前調

汪莘

挽我過溪橋請與春風  
權攝推出雪峰千丈照  
碧溪春色 別來三度  
見梅花今日共君說只  
這溪山十里剩  
幾多風月

前調

劉翰

花底一聲鶯花外半鉤  
斜月月落烏啼何處照  
飛英如

雪東風吹盡去年愁  
解放丁香結  
驚動小亭紅雨舞  
雙雙金蝶

前調

僧房  
聽琴

吳文英

琴冷石牀雲海上  
偷傳新曲彈  
作一簾風雨碎芭蕉寒  
綠冰泉輕瀉翠筒香  
林果薦紅玉  
早是一分秋意到  
臨牕修竹

前調

吳文英

飛露灑銀牀  
葉葉怨梧啼  
碧蘄竹粉蓮香汗  
是秋來陳

迹 藕絲空攪宿湖船  
夢闊水雲窄還繫鴛鴦不住老  
紅香月白

前調

秋飲

吳文英

鴈外雨絲絲將恨和愁都織  
玉骨西風添瘦減尊前歌  
力 袖香曾枕醉紅腮  
依約唾痕碧花下凌波入夢引  
春雛雙鵲

前調

周密

新雨洗花塵撲撲小庭香濕  
早是垂楊煙老漸嫩黃成

碧晚簾都捲看青山山外更山色一色梨花新月伴  
夜牕吹笛

前調

周密

輕翦楚臺雲玉影半分秋月一晌淒涼無語對殘花  
蝶碧天愁鴈不成書郎意似秋葉閒展鴛綃殘緒捲  
淚花雙疊

前調

石孝友

微雨灑芳塵醞造可人春色聞道夢雲樓外正小桃花

發殷勤留取最繁枝尊前待閒折準擬亂紅深處化  
一雙蝴蝶

前調

浙江樓  
聞笛

汪元量

獨倚浙江樓滿耳怨笳哀笛猶有梨園聲在念那人天  
北海棠顙顙怯春寒風雨怎禁得回首華清池畔渺  
露蕪煙荻

前調

趙與仁

春色醉荼蘼晝永篆煙初絕臨水楊花千樹盡一時飛

雪穿簾度竹弄輕盈東風老猶劣睡起凭闌無緒聽  
幾聲啼鴉

前調

樓采

人去玉屏閒逗曉柳絲風急簾外杏花微雨罩春紅愁  
濕單衣初試麴塵羅中酒病無力應是繡牀慵困倚  
秋千斜立

前調

葛長庚

何事鴈來遲獨步秋園默默莫恨桂花開盡有菊花堪

惜 回頭顧影背斜陽聽西風蕭瑟無限詩情酒思那  
早梅知得

前調

宋媛

魏氏

雨後曉寒輕花外曉鶯啼歇愁聽隔溪殘漏正一聲淒  
咽 不堪西望去程賒離腸萬回結一似海棠花下按  
涼州時節

前調

宋媛

鄭氏

往事與誰論脈脈不堪追憶何處最堪腸斷是黃昏時

節倚樓凝望又徘徊誰解此情切何計可同歸鴈趁江南春色

前調

咏茶

蔡松年

天上賜金匱不減壑源三月午盃春風纖手看一時如雪幽人只慣茂林前松風聽清絕無奈十年黃卷向枯腸搜徹

前調

次前韻

元德明

夢破打門聲有客袖攜團月喚起玉川高興煮松檐晴



雪蓬萊千古一清風人境兩超絕覺我胸中黃卷被  
春雲香徹

前調

次前  
韻

高士談

誰打玉川門白絹斜封團月晴日小牕活火響一壺春  
雪可憐桑苧一生顛文字更清絕直擬駕風歸去把  
三山登徹

前調

趙可

密雪聽牕知午醉晚來初覺人與膽瓶梅蕊共此時蕭

索 倚牕閒看六花飛  
風輕止還作箇裏有詩誰會滿  
疎籬寒雀

前調

劉基

雨過却斜陽  
虹外遠山猶濕  
獨據檣梧高坐待北牕  
風入 可人嘉樹有清音  
蟬噪一何急  
倦暑盼秋來又恐  
芳時輕戢

前調

月下飲  
玉涵堂

吳子孝

春色已蹉跎  
無奈經旬風雨  
雨後殘紅無數  
聽枝頭鶯

語 良宵亭館浸玻璃雲盡天如洗舉酒盼青天莫惜  
高歌起舞

前調

吳子孝

乍喜見金波寒滿玉壺銀闕忍遣陽春易度似尋常佳  
節 尊前況有好花枝兼賞花閒月但願百年身常似  
今宵歡悅

前調

湯顯祖

簾外雨絲絲淺恨輕愁碎滴玉骨西風添瘦趁相思無

力 小蟲機杼隱秋牕  
黯淡煙紗碧落盡紅衣池面苦  
在蓮心韻

朝天子

一名思越人雙  
調四十六字

朝天子

周師從  
小閣

楊无咎

小閣寬如掌占螺浦山川夸曠千奇萬狀見雲煙收放  
更永夜風生明月上用取真成無盡藏誰共賞徙倚  
撫危闌吟望

謁金門

又一體雙調  
四十六字

謁金門

李清臣

楊花落燕子橫穿朱閣苦恨春醪如水薄閒愁無處著  
綠野帶紅山落角桃杏參差殘萼歷歷危檣沙外泊  
東風晚來惡

前調

程過

江上路依約數家煙樹一枕歸心邨店暮更亂山深處

夢過江南芳草渡曉色又催人去愁似遊絲千萬縷  
倩東風約住

洛陽春

雙調四

十六字

洛陽春

陳師道

素手拈花纖軟生香相亂却須詩力與丹青恐俗手難  
成染一顧教人微倩那堪親見不辭紫袖拂清塵也  
要識春風面

前調

毛滂

月下風前花畔此情不淺欲留風月守花枝却不道而今遠  
檣外鷺飛沙晚煙斜雨短青山祇管一重重向東下遮人眼

前調

陸游

滿路遊絲飛絮韶光將暮此時誰與說新愁有百轉流鶯語  
俯仰人間今古神仙何處花前須判醉扶歸酒不到劉伶墓

# 望仙門

漢武題華陰集靈宮門曰望仙調名本此雙調四十六字後段七字句下必疊三字句後接五字句結乃為定格也

## 望仙門

晏殊

紫薇枝上露華濃  
起秋風  
管弦聲細出簾籠  
象筵中  
仙酒斟雲液  
仙歌轉繞梁  
虹此時佳會慶相逢  
歡醉且從容

## 前調

晏殊



玉壺清漏起微涼  
好秋光金杯重疊滿瓊漿  
會仙鄉  
新曲調絲管  
新聲更颭霓裳  
博山爐暖泛濃香  
泛濃香  
為壽百千長

前調

晏殊

玉池波浪碧如鱗  
露蓮新清歌一曲翠睂顰  
舞華裯  
滿酌蘭英酒  
須知獻壽千春  
太平無事荷君恩  
荷君恩  
齊唱望仙門

占春芳

此調作者甚少蘇軾詞云獨自占春芳即其自名調也雙調四十六字

占春芳

蘇軾

紅杏了天桃盡獨自占春芳  
不比人間蘭麝自然透骨生香  
對酒莫相忘似佳人兼合明光  
只憂長笛吹花落除是寧王

西地錦

雙調四十六字

西地錦

蔡伸

寂寞悲秋懷抱掩重門悄悄清風皓月朱闌畫閣雙鴛  
池沼不忍今宵重到惹離愁多少蓬山路杳藍橋信  
阻黃花空老

前調

又一體

周紫芝

雨細欲收還滴滿一庭秋色闌干獨倚無人共說這些  
愁寂手把玉郎書跡怎不教人憶看看又是黃昏也  
斂眉峰輕碧

喜遷鶯

雙調四

十六字

喜遷鶯

張元幹

文倚馬筆如椽  
桂殿早登仙  
舊游冊府記當年  
袞繡合  
貂蟬  
慶天申  
瞻玉座  
鵷鷺正陪班  
看君穩步上花甌  
歸院引金蓮

江亭怨

一名荊州亭此詞原無調名以黃庭堅見荊州亭柱題詞因以名調雙調四十六字

江亭怨

吳城龍女

簾捲曲闌獨倚山展暮天無際淚眼不曾晴家在吳頭  
楚尾 數點雪花亂委撲漉沙鷗驚起詩句欲成時沒  
入蒼煙叢裏

金焦葉

一名定風波令  
雙調四十六字

金焦葉

秋夜

蔣捷

雲褰翠幙滿天星碎珠迸索孤蟾關外照我看看過轉  
角 酒醒寒砧正作待眠來夢魂怕惡枕屏那更畫了

平沙斷鴈落

眉峰碧

以宋人詞中句名調句法似卜算子之一體  
並雙調四十六字但以平仄有殊別為一調

眉峰碧

無名氏

蹙破眉峰碧纖手還重執鎮日相看未足時  
忍便使鴛鴦隻薄暮投邨驛風雨愁通夕  
牕外芭蕉牕裏人分葉上心頭滴

一落索

又一體亦名浴陽  
春雙調四十六字

一落索

舒 亶

正是看花天氣為春一醉醉來却不帶花歸悄不解看  
花意 試問此花明媚將花誰比只應花好似年年花  
不似人憔悴

前調

舒 亶

葉底枝頭紅小天然窈窕後園桃李漫成蹊問占得春  
多少 不管雪消霜曉朱顏常好年年若許醉花間待

拚了花間老

前調

周邦彥

眉共春山爭秀可憐長皺莫將清淚濕花枝恐花也如  
人瘦清潤玉簫閒久知音稀有欲知日日倚闌愁但  
問取庭前柳

前調

周邦彥

杜宇催歸聲苦和春歸去倚闌一霎酒旗風任撲面桃  
花雨目斷隴雲江樹難逢尺素落霞隱隱日平西料



想是分攜處

前調

王安中

夢破池塘杳杳情隨春草尊前風味不勝清賦白雪幽  
蘭調秀句銀鈎爭妙殷勤東道蠻箋傳與翠娥歌便  
買斷千金笑

前調

王安中

欲訪瑤池蓮島煙雲縹緲清遊却到鳳凰池聽檀板新  
聲妙天上除書催早人瞻元老東風煙柳罩河隄更

何處深春好

前調

王安中

衰柳未傳春信  
霜花催鬢送君西去  
指秦關看日近長  
安近  
玉帳同時英俊  
合離無準路逢新鴈  
北飛來寄  
一字燕山問

前調

朱敦儒

慣被好花留住  
蝶飛鶯語少年場上  
醉鄉中容易放春  
歸去  
今日江南春暮  
朱顏何處莫將愁緒  
比飛花花

有數愁無數

前調

辛棄疾

錦帳如雲高處不知重數夜深銀燭淚成行算都把心  
期付莫待燕飛泥戶問花花訴不知花定有情無似  
却怕新詞妬

前調

辛棄疾

羞見鑑鸞孤却倩人梳掠一春長是為花愁甚夜夜東  
風惡行遶翠簾珠箔錦牋誰托玉觴淚滿却停觴怕

酒似郎情薄

前調

管鑑

江上青山無數綠陰深處夕陽猶在繫扁舟為佳景留  
人住已辦一蓑歸去江南煙雨有情鷗鷺莫驚飛便  
相約長為侶

前調

九日

方岳

瘦得黃花能小一簾香杳東籬雲冷正愁予猶幸是西  
風少葉下亭皋渺渺秋何為老無錢持蟹對黃花又

孤負重陽了

前調

方千里

月影娟娟明秀簾波吹皺徘徊空度可憐宵漫問道因誰瘦  
不見芳音長久鱗鴻空有渭城西路恨依然尚夢想青青柳

前調

楊澤民

心抵江蓮長苦凌波人去懨懨消瘦不勝衣恨清淚多  
於雨舊曲慵歌瓊樹誰傳香素碧溪流水過樓前問

紅葉來何處

前調

楊澤民

水與東風俱秀一池春皺滿庭花卉盡芳菲只有朵紅  
梅瘦譜裏知名自久真情難有縱然時下有真情又  
還似章臺柳

前調

陳允平

欲寄相思愁苦倩流紅去淚花寫不斷離懷都化作無  
情雨渺渺暮雲江樹溪煙橫素六橋飛絮夕陽西總

都是春歸處

前調

陳允平

淡淡雙蛾疎秀為誰頻皺落花何處不春愁料不是因  
花瘦 錦字香牋封久鱗鴻稀有舞腰銷減不禁愁怕  
一似章臺柳

琴調相思引

一名玉交枝雙調四十六字別本作定  
風波今定風波自有本調與此無涉

琴調相思引

周紫芝

梅粉梢頭雨未乾  
淡煙疎日帶春寒  
暝鴉啼處人在小  
樓邊  
芳草只隨春恨長  
塞鴻空傍碧雲還  
斷霞消盡  
新月又嬋娟

前調

別餘  
干作

趙彥端

拂拂輕煙雨麴塵  
小庭深幕墮嬌雲  
好花無幾猶是洛  
陽春  
燕語自知懷舊壘  
水聲只解送行人  
可堪詩墨  
和淚漬羅巾

前調

趙彥端



曾躡姑蘇城上臺好山知有好人來幾回徙倚月裏暮  
雲開閒倚和風千步柳倦臨殘墨一枝梅暝香高燭  
翻動道人灰

前調

許棐

組繡盈箱錦滿機倩人縫作護花衣恐花飛去無復上  
芳枝已恨遠山迷望眼不須更畫遠山眉正無聊賴  
雨外一鳩啼

前調

陳允平

金谷園林錦繡香，  
蹋青挑菜又相將。  
鳳臺人遠離思入，  
三湘花著雨，  
添紅粉，  
重柳隨風曳碧絲。  
長薄情，  
鶯燕春去，  
怎商量。

前調

賞花

汪元量

曉拂菱花巧畫眉，  
羅新翦作春衣。  
恐春歸去無處看，  
花枝已恨東風成去客。  
更教飛燕舞些時，  
惜花人醉頭上插花歸。

前調

趙與仁

冰箔紗簾小院清  
晴塵不動地衣平  
昨宵風雨涼到木  
犀屏  
香月照妝秋粉薄  
水雲飛佩藕絲輕  
好天良夜閒理玉  
鞦韆

前調

無名氏

膽樣瓶兒幾點春  
翦來猶帶水雲痕  
且移孤冷相伴醉  
深尊  
每為惜花無曉夜  
教人甚處不銷魂  
為伊惆悵何獨是  
黃昏

前調

劉仲尹

蠶欲眠時日已曛  
柔桑葉大綠團團  
雲羅數猶小陌上看  
行人  
翠實低條梅弄色  
輕花吹隴麥初勻  
鳴鳩聲裏  
過盡太平春

巫山一段雲

又一體雙調  
四十六字

巫山一段雲

唐昭宗

縹緲雲間質  
盈盈池上身  
袖羅斜舉動埃塵  
明豔不勝春  
翠鬢晚妝煙重  
寂寂陽臺一夢  
冰眸蓮臉見長新

巫峽更何人

前調

唐昭宗

蝶舞梨園雪鶯啼柳帶煙小池殘日豔陽天  
苧羅山又山青鳥不來愁絕忍看鴛鴦雙結  
春風一等少年心閒情恨不禁

前調

柳永


琪樹羅三殿金龍抱九關上清真籍總羣仙  
朝拜五雲間昨夜紫微詔下急喚天書使者  
令賁瑤檢降雕霞

重到漢皇家

前調

柳永

蕭氏賢夫婦茅家好弟兄羽輪飈駕赴層城高會盡仙  
卿一曲雲謠為壽倒盡金壺碧酒醺酣爭撼白榆花  
蹋碎九光霞



御選歷代詩餘卷十二